

卷二

五言古詩二十首

卷三

五言古詩二十首

連上共五古六十一首

卷四

七言古詩二十九首



梅村集

上

石

梅村集卷第一

太倉吳偉業駿公著 後學

顧湄伊人

男 暄少融較

五言古詩

贈蒼雪

我聞昆明水天花散無數躡足凌高峰了了見佛
土法師滇海來植杖渡湘浦藤鞋負貝葉葉葉青
蓮吐法航下匡廬講室臨玄圃忽聞金焦鐘過江

梅村集一 五言古詩

救諸苦中峰古道場浮圖出平楚通泉繞堦除疏
巖置廊廡同學有汰公應山聞法鼓天親偕無着
一朝亡其伍獨游東海主從者如墻堵迦文開十
誦廣舌演四部設難何衡陽荅疑劉少府人我將
無同是非空諸所即今四海內道路多豺虎師於
高座上瓣香祝君父欲使菩提樹徧蔭諸國土洱
水與蒼山佛教之齊魯一履游中原五嶽問諸祖
稽首香花嚴妙義足今古

塗松晚發



其四

竇融昔布衣任俠家扶風翟公初舉事海內知其
忠融也受漢恩大義宜相從低頭就新莽顧人其
軍中轉戰槐里下盡力爲摧鋒後來擁衆降仍以
當時功忝竊居河西蜀漢方相攻一朝決大計佐
命蕭曹同吁嗟翟太守爲漢傾其宗劉氏已再興
白骨無人封徒令千載後流涕平陵東

又詠古

浹旬至台司三日遍華省慈明與中郎豈不念朝

梅村集二

五言古詩

菌王良御奔車勢逼噫嗷景惡策度太行馬足殆
而騁富貴若歲時過則生災疹草木冬先榮經春
輒凋殞桓桓梁將軍赫赫蕭京尹一朝遇差跌未
得全要領人生百年內飽食與美寢毋以藜藿糲
羹彼鍾與鼎毋以毛褐敝羨彼純與錦進固非伊
周退亦無箕頰薄祿從下僚末俗居中品寂寥子
雲戟從容步兵飲

其二

西州杜伯山北海鄭康成季孟將舉事本初方用

兵脫身有追騎興疾猶從征何胤絕婚宦跡跡東
籬門受逼崔慧景語默難爲情網疎免刑戮大道
全身名時命苟不佑千載無完人入山山易淺飲
水水不清一身累妻子動足皆荆榛自非焦孝先
何以逃風塵庶幾詹尹卜足保幽人貞

其三

古來有烈士軹里與易水慶卿雖不成其事已並
美專諸弑王僚朱亥殺晉鄙惜哉博浪椎何如圮
橋履公孫擅西蜀可謂得士死連刺兩大將探囊
取物耳皆從百萬軍夜半入帳裏匕首中要害絕
跡復千里若論劍術精前人莫能比胡使名弗傳
無以著青史誰修俠客傳闕疑存二子

其四

高谷采靈命不共京師游弱冠拜司徒杖策功名
收靈壽高不萬古誰能傳典不諸將出足侯風
雲羞鄧芝遇先主七十才封侯位至大將軍翼鏢
高春秋英雄初未遇垂老猶窮愁祖孫漢功臣年
齒胡不侔我讀新野傳慷慨思炎劉

其五

遭時固不易推心尤獨難景略于佐才臣主真交
歡天意不佑秦中道尊之年苻堅有大度豁達知
名賢獨斷未爲失興毀寧非天賊莫實弒君聞者
爲衝冠鎮惡丞相孫流落來江南西伐功冠軍力
戰收長安手劍縛姚泓俘之出潼關張良爲劉氏
雅志在報韓能以家國恥誦申兩主間其地皆西
秦功亦堪比肩區區一李方報恩何足言

其六

梅村集二

五言古詩
四

宜城酒家保北海賣餅師千金懸賞購萬里刊章
追途窮變名姓勢急投親知漢法重亡命保舍加
誅已破家相存濟百口同安危虞卿捐相印恨未
脫魏齊惜哉燕太子流涕樊於期瀨水一女子魯
國一小兒今也無其人已矣其安歸廣柳可以置
置當猛虎蹊複壁可以藏藏憂黠鼠窺古道不可
作太息將何爲

遇南廂園叟感賦八十韻

寒潮衝廢壘火雲燒赤岡四月到金陵十日行大

航平生游宦地蹤跡都遺忘道遇一園叟問我來
何方猶然認舊役卽事堪心傷開門延我坐破壁
低圍墻却指灌莽中此卽爲南廂衙舍成丘墟佃
種輸租糧謀生改衣食感舊存園莊艱難守茲土
不敢之他鄉我因訪故基步步添思量面水背蒼
崖中爲所居堂四海羅生徒六館登文章松檜皆
十圍鐘筦聲鏘鏘百頃搖澄潭夾岸栽垂楊池上
臨華軒菡萏吹芬芳譚笑盡盡貴游花月傾壺觴其
南有一亭梧竹生微涼回頭望雞籠廟貌諸侯王

梅村集二

五言古詩

左李右鄧沐中坐徐與常霜鬢見鋒骨老將東甌
湯配食十六侯劍珮森成行得之爲將相寧復憂
封疆北風江上急萬馬朝騰驟重來訪遺跡落日
唯牛羊呼嗟中山孫志氣胡勿昂生世苟如此不
如死道傍惜哉裸體辱仍在功臣坊蕭條同泰寺
南枕山之陽當時寶誌公妙塔天花香改葬施金
棺手詔追褒揚袈裟寄靈谷製度由蕭梁千尺觀
象臺太史書禎祥北望占旄頭夜夜愁光鉞 高
帝遺衣冠月出脩蒸嘗圖書盈玉几弓劍唯金牀

承乏忝兼官再拜陳衣裳南內因灑掃銅龍啓未
央幽花生御榻苔澀青倉琅離宮須望幸執戟衛
中郎萬事今盡非東逝如長江鍾陵十萬松大者
參天長根節猶青銅屈曲蒼皮僵不知何代物同
日遭斧鑿前此千百年豈獨無興亡况自百姓伐
孰者非咻桑羣生與草木長養皆吾皇人理已漸
滅講舍宜其荒獨念四庫書卷軸誇縹緗孔廟銅
犧尊斑剝填青黃棄擲草芥間零落誰收藏老翁
見話久婦子私相商人倦馬亦疲剪韭炊黃粱慎

梅村集二

五言古詩
六

莫笑貧家一一羅酒榼從頭訴兵火眼見尤悲愴

叶

大軍從北來百姓聞驚惶下令將入城傳箭需

民房里正持府帖僉在御賜廊插旗大道邊驅遣
誰能當但求骨肉完其敢攜筐箱扶持雜幼稚失
散呼耶孃江南昔未亂閭左稱阜康馬阮作相公
行事偏猖狂高鎮爭揚州左兵來武昌積漸成亂
離記憶應難詳下路初定來官吏踰貪狼按籍縛
富人坐索千金裝以此爲才智豈曰惟私囊今日
解馬草明日脩官塘誅求却到骨皮肉俱生瘡野

老讀詔書新政求循良瓜哇亦有畔溝水亦有防
始信立國家不可無紀綱春來雨水足四野欣農
忙父子力畊耘得粟輸官倉遭遇重太平窮老其
何妨薄暮難再留暝色猶青蒼策馬自此去悽惻
摧中腸顧羨此老翁負耒歌滄浪牢落悲風塵天
地徒茫茫

下相懷古

驅車馬陵山落日見下相憶昔楚項王拔山氣何
壯太息取祖龍大言竟非妄破釜救邯鄲功居入

梅村集二

五言古詩
七

關上殺降復父讐不比諸侯將杯酒釋沛公殊有
君人量胡爲去咸陽遭人扼其吭亞父無諍言奇
計非所望重瞳顧柔仁隆準至暴抗脫之掌握中
骨肉俱無恙所以哭魯兒仍具威儀葬古來名與
色英雄不能忘力戰兼悲歌西風起酸愴廢廟枕
荒岡虞兮侍帷帳烏騅伏坐傍踣地哀鳴狀我來
訪遺蹟登高見芒碭長陵竟坏土萬事同惆悵

夜宿阜昌

我來古昌國望古思樂生總將六諸侯撫劍東專

征下齊功不細奔趙事無成
草沒黃金臺猶憶昭王
迎涕泣辭伐燕氣誼良非輕
此真天下士豈獨因知兵
忠心激舊將誓死存聊城
惜哉魯仲連排難徒高名
勸使東游齊母乃傷縱橫

贈家侍御雪航

士生捨攘中非氣莫能濟
勁節行胸懷高談豁心
智吾家侍御公平生蘊風義
世難初橫流事定猶草昧
召見邯鄲宮軍中獲能吏
移牒拜諫官創業更新制
長刀夾殿門令下誰敢議
扣馬忽上陳挺

梅村集二

五言古詩
八

身艱難際丈夫持國是
僵仆無所避封事卽留中
天語加褒異受命巡山東
恩威恤凋弊會計泰山
賊無辜輒連治破械使之歸
父老皆流涕征南甘
侯軍豪奪武昌地可憐
黃陵廟鈔略空村閉君來
仗威名一言釋猜忌
塢壁招殘民郊原戢游騎
從此巴丘兵始識
長沙尉西望浚稽出
黃河遶其背青羗十七種
驩囉節文屬自古於金城
互市有深意蜀賈蒙山茶
兵火苦莫致將吏使之然
憂將玉關廢奉詔清河湟
俾復商人利千車摘岷峨
五花

散涇渭至今青海頭共刻黃龍誓揭節還歸來公
私積勞勩安卧無多談循資躡高位却拜極言疏
手板指朝貴恩深因薄謫材大終難棄古之賢豪
人深沉在晚歲歛盡萬里心日共殘編對學以閱
世深官從讀書退以之輕軒冕蕭條自標置我來
客京師一身似匏繫老大慚知交淒涼托兄弟臨
風或長歌邀月非沈醉論世追黃虞刪詩及曹魏
恐君故鄉思失我窮途慰家在五湖西扁舟入夢
寐欲取石上泉洗濯塵中累羣公方見推雅志安
得遂朝罷看西山千峰蒼翠良友供盤桓清秋
足游憩待予同拂衣徐理纒計

題河渚圖送胡彥遠南歸

馬背話江南春山吾負汝白雲能容人猿鳥不我
與西泠有高士結廬在河渚讀書尚感激平生慎
推許獨坐長微吟清言出機杼秋風忽乘興千里
長安旅同好四五人招尋忘出處寄跡依琳宮雙
松得儔侶雖人侯王門不受公卿舉登高見遺廟
額垣竄鼯鼠志歌因卧病歸心入春雨從此謝姓

名問之了不語我爲作此圖彷彿梅花墅蒼然開
南軒飛泉落孤嶼想見君山中相思日延佇

送何省齋

哲人尚休官取志不在歲賢達恃少年輕心撥名
勢神仙與酒色皆是世蟬蛻在己本歡娛富貴應
難累婆娑彼頽老匪止妻孥計棲棲守腐鼠自信
無餘技嗟我豈其然今也跡相類同事有何郎英
懷托深契三十拜侍中何人發長臂拂袖歸去來
故園有松桂世網政自由鄉心偶然遂樛散却見

梅村集二

五言古詩

留送之以流涕我昔少壯時擊華振儕輩講舍雞
籠巖寶朋屢高會總齊能清譚君家好兄弟緩帶
天地寬健筆江山麗憑闕見溢口傳烽響笳吹海
寓方紛紜虛名束心意夜半話掛冠明日扁舟繫
問余當時年三十甫過二採藥尋名山筋力正強
濟濯足滄浪流白雲養身世長放萬里心拔脚風
塵際昔爲雲中鵠翩翩九臯嘖今爲轅下駒局促
長楸轡梗柙蟠枯根天陰蟲蟻萃縱抱凌霄姿蕭
條斧斤畏時命苟弗諧貧賤安可冀過盡九折艱

咫尺俄失墜淒涼游子裝訣絕衰親淚關山車馬
煩雨雪衣裘做長安十二衢画戟朱扉衛冠蓋起
雞鳴蹀躞名豪騎通籍平生交於今悉凋替磬折
當塗前問語不敢對衰白齒坐愁遙巡與之遊禁
掖無立談獨行心且悸邂逅君登朝讀書入中秘
父子被詔除一堂共昆季呼兒爭出拜索果牽衣
戲回首十六年踪跡猶堪記在苒曾幾何萬事經
興廢停觴重剪燭相對加噓唏我行感衰疾腰脚
增疲曳可憐扶杖走尚逐名賢隊薄祿貪負閒憂

梅村集二

五言古詩
十一

責仍不細瘡從游甘泉浙浙驚沙厲藉草貧無羶
僕夫枕以塊霜風帽帶斜頭寒縮如蝟入門問妻
孥呻吟在牀被幼女掩面啼燈青照殘穗白楊何
蕭蕭衝泥送歸櫂爾死顧得還我留復誰爲歿有
親識人通都走聲利厚意解羈愁盛言推名位不
悟聽者心怛若芒在背忽接山中書又責以宜退
卿言誠復佳我命有所制總未涉世深止知乞身
易悶卽君過存高談豁蒙蔽苦樂來無方窮達總
一致同是集蓼蟲以此識其味人生厭束縛擺落

須才氣君初丞相家祖德簪纓繼吐納旣風流姿
容更瓌異披史妙縱橫論詩富裁製激昂承明廷
面折公卿議文士寡先容疎通得交臂騶哄訪當
關休沐杉齋閉良工鑄干將出匣蛟龍忌趨駕度
太行躋躡棄騏驎矯矯朗陵公竟下考功第老夫
追枯朽抱膝端居睡雖稱茂陵病終乏鷗夷智遜
子十倍才焉能一官棄早貴生道心中年負名義
蹉跎甘皓首此則予所媿君今謝塵鞅輕裝去如
駛雙槩石頭城木落征驂憩過我儒林館寒鴉噪

梅村集二

五言古詩
十一

平地函丈無復存依舊晴嵐翠明年春水滿客興
烟波趣鶯啼笠澤船花發龍沙醉高堂剖符竹盡
室千山內郡閣遶鳴灘日晡散人吏無書棹遷斥
有夢傷迢遞嶺雁時獨飛楚天樹如薺雙眠渺荒
江片帆忽而至家人迎棹立愛子趨庭慰誰云謫
宦愁老覺君恩最共上鬱孤臺側身望燕魏惆
悵念故人沉吟不能置三載客他鄉一朝遽分袂
勞生任潦倒矢志同飄寄少壯今迢遙老大偏濡
滯舉世縱相識出門竟誰詣太息行路難殷勤進

規誨後會良可希尺書到猶未相去各一方天涯
隔憔悴開篋視此詩怳怳不能寐

送宛陵施愚山提學山東

秦皇昔東巡作歌示來裔李斯留篆刻足共神仙
配胡爲秦岱巔蒼碑獨無字持此謝六經免滋後
賢議至今倉頡臺行人尚流涕君今懷古跡斯文
起凋敝蟲魚雖改竄扶桑自天際千載靈光宮丹
書閉房記兵火獨搜揚重見鍾離意

其二

梅村集二

五言古詩
十二

魯儒好逢掖偃僂循墻恭長劍忽挂頤掉舌譁天
雄諸侯走書幣擁篲梧丘宮孟嘗一公子珠履傾
關東後來北海相坐上猶遣風君愁吳越士名在
甘陵中無使稷下徒車馬矜雍容華士苟不戮橫
議將安窮古道誠可作千里尊龜蒙

其三

伊昔嘉隆時文章尚丹雘矯矯濟南生突過黃初
作百年少知已褒譏互叅錯風習使之然詩書狗
然諾淒涼白雲署前賢遂寥廓君初領法曹追踪

好樓托此行過歷下高風
緬如昨太白游山東後
來訪廬霍獨愛宣州城
山足吟謔讀君官舍詩
鄉心戀巖壑目斷敬亭
口銜竹溪酌借問謫仙
人何如謝康樂

磬清湖

并序

磬清湖者西連陳湖南接陳墓其先褚氏之所居也磬清者土人以水清疑其下有磬石故名或曰范蠡去越取道於此湖名范遷以音近而訛世遠莫得而攷也太湖

梅村集二

五十七詩

居吾郡之北有大山衝擊風濤湍悍而陳湖諸水渟泓演迤居人狎而安焉烟村水市若鳧雁之着波面千百於其中土沃以厚畝收二鍾有魚蝦菱芡之利資船以出入科徭視他境差緩故其民日以饒不爲盜吾宗之繇倩青房公益兄弟居於此四世矣余以乙酉五月聞亂倉黃攜百口投之中流風雨大作扁舟掀簸榜人不辨水門故處久之始達主人開門延宿雞黍酒

漿將迎灑掃其居前榮後寢葭蘆掩映榆
柳蕭疎月出柴門漁歌四起杳然不知有
人世事矣是時姑蘇送款兵至不戮一人
消息流傳緩急互異湖中烟火晏然予將
卜築買田耦耕終老居兩月而陳墓之變
作於是流離轉徙僅而後免事定將踐前
約尋以世故牽挽流涕登車疾病顛連關
河阻隔比三載得歸而青房過訪草堂見
予髮白齒落深怪早衰又以其窮愁笑獨

梅村集二

五言古詩
十五

妻妾相繼下世因語昔年湖山兵火奔走
提攜心力枉枯骨肉安在太息者久之青
房亦以毀家紓役舊業蕩然水鳥樹林依
稀如故而居停數椽斷簞零甕固有存者
人世盛衰聚散之故豈可問耶撫今追往
詮次爲五言長詩用識吾慨且以明舊德
於不忘也

吾宗老孫子住在蔡清湖湖水清且漣其地皆膏
腴堤栽百株柳池種千石魚教僮數鵝鴨遶屋開

芙蓉有書足以讀有酒易以沽終老寡送迎頭髮
可不梳相傳范少伯三徙由中吳一舸從此去在
理或不誣嗟予遇兵火百口如飛鳧避地何所投
扁舟指菰蒲北風晚正惡烟港生模糊船小吹雨
來衣薄無朝舖前村似將近路轉忽又無倉皇值
漁火欲問心已孤俄見葭菼邊主人出門呼開柵
引我船掃室容我徒我家兩衰親上奉高堂姑艱
難總頭白動止需人扶妻妾病伶仃嘔吐當中途
長女僅九齡餘泣猶呱呱入君所居室燈火映牕

梅村集

五言古詩
十六

疏寬閒分數寢嬉笑喧諸雛縛帚東西廂行李安
從奴前牕張罌網後壁掛耒鋤苦辭村地僻客舍
無精麤剪韭烹伏雌斫鱸炊彫胡床頭出濁醪人
倦消幾壺睡起日已高曉色開烟蕪漁灣一兩家
點染江村圖沙嘴何人舟消息傳姑蘇或云江州
下不比揚州屠早晚安集椽鞍馬來南都或云移
民房插箭下嚴符囊橐歸他人婦女充軍俘里老
獨晏然催辦今年租儘畊看賽社釀飲聽呼盧軍
馬總不來里巷相爲娛而我游其間坦腹行徐徐

見人盡恭敬不識誰賢愚魚蝦盈小市鳧雁充中
厨月出浮溪光萬象疑沾濡放楫凌滄浪笑弄驪
龍珠夷猶發浩唱禮法胡能拘東南雖板蕩此地
其黃虞世事有反覆變亂興須臾草草十數人盟
歎起里閭兔園一老生自詭讀穰苴漁翁爭坐席
有力爲專諸解觥餽於皇篆笠裝犀渠大笑擲釣
竿赤手搏於菟欲奪夫差宮坐擁專城居予又出
子門十步九崎嶇脫身白刃間性命輕錙銖我去
子亦行後各還其廬官軍雖屢到尚未成丘墟生

梅村集二

五言古詩
十七

涯免溝壑身計謀樵漁買得百畝田從子學長沮
天意不我從世網將人驅親朋盡追送涕泣登征
車吾生罹干戈猶與骨肉俱一官受逼迫萬事堪
歎歎倦策旣歸來入室翻次且念我平生人慘澹
留羅襦秋雨君叩門一見驚清癯我苦不必言但
坐觀髭鬚歲月曾幾何筋力遠不如遭亂若此衰
豈得勝奔趨十年顧妻子心力都成虛分離有定
分久暫理不殊翻笑危急時奔走徒區區君時聽
我語顏色慘不舒亂世畏盛名薄俗容小儒生來

遠朝市謂足逃沮洳長官誅求急姓氏屬里胥夜
半聞叩門瓶盎少所儲豈不惜堂構其奈愁征輪
庭樹好追涼剪伐存枯株池荷久不開歲久填泥
淤廢宅鋤爲田薺麥生階除當時棲息地零落今
無餘生還愛節物高會逢茱萸好採籬下菊且讀
囊中書中懷苟自得外物非吾須君觀鴟夷子魯
戀傾城姝千金亦偶然奚足稱陶朱不如棄家去
漁釣山之隅江湖至廣大何惜安微軀揮手謝時
輩慎勿空躊躇

梅竹集

五言古詩

讀真山書

真山書

真山書

流澗山文淵其幽至蹟大何謂文靈靈聯毛攜却
戀則想幾千金衣贈然奚足稱陶朱不取棄家去
囊中書中懷苟自得外物非吾須君觀鴟夷子魯
無繪坐罷愛節物高會逢茱萸好採籬下菊且讀
囊中書中懷苟自得外物非吾須君觀鴟夷子魯
真海賦卷起漢卦亦林林此荷久不開歲久填泥
淤廢宅鋤爲田薺麥生階除當時棲息地零落今
無餘生還愛節物高會逢茱萸好採籬下菊且讀
囊中書中懷苟自得外物非吾須君觀鴟夷子魯

梅村集卷第三

五言古詩三

清涼山讚佛詩

西北有高山云是文殊臺臺上明月池千葉金蓮
開花花相映發葉葉同根栽王母攜雙成綠蓋雲
中來漢主坐法宮一見光徘徊結以同心合授以
九子釵翠裝雕玉輦丹髻沉香齋護置琉璃屏立
在文石階長恐乘風去舍我歸蓬萊從獵往上林
小隊城南隈雪鷹異凡羽果馮殊羣材言過樂游
苑進及長楊街張宴奏絲桐新月穿宮槐攜手忽
太息樂極生微哀千秋終寂寞此日誰追陪陛下
壽萬年妾命如塵埃願共南山柳長奉西宮杯披
香淖博士側聽私驚猜今日樂方樂斯語胡爲哉
待詔東方生執戟前詎諧薰鑪拂黼帳白露零蒼
苔吾王慎玉體對酒毋傷懷

其二

傷懷驚涼風深宮鳴蟋蟀嚴霜被瓊樹芙蓉凋素
質可憐千里草萎落無顏色孔雀蒲桃錦親自紅

女織殊方初云獻知破萬家室瑟瑟大秦珠珊瑚
高八尺割之施精藍千佛莊嚴飾持來付一炬泉
路誰能識紅顏尚焦土百萬無容惜小臣助長號
賜衣或一襲只愁許史輩惡濃難時得從官進哀
誄黃紙抄名入流涕盧郎才咨嗟謝生筆尚方列
珍膳天厨供玉粒官家未解菜對案不能食黑衣
召誌公白馬馱羅什焚香內道場廣座楞伽譯資
彼象教恩輕我人王力微聞金雞詔亦由玉妃出
高原營寢廟近野開陵邑南望蒼舒墳掩面添悽
惻戒言秣我馬遨遊凌八極

其三

八極何茫茫曰往清涼山此山蓄靈異浩氣供星
盤能蓄太古雪一洗天地顏日馭有不到縹緲風
雲寒世尊昔示現說法同阿難講樹聳千尺搖落
青琅玕諸天過峰頭絳節乘銀鸞一笑偶下謫脫
却芙蓉冠遊戲登瓊樓窈窕垂雲鬢三世俄去來
任作優曇看名山初望幸銜命釋道安預從最高
頂灑掃七佛壇靈境乃杳絕捫葛勞躋攀路盡逢

一峰傑閣圍朱闕中坐一天人吐氣如梅檀寄語
漢皇帝何苦留人間烟嵐倏滅沒流水空潺湲回
首長安城緇素慘不歡房星竟未動天降白玉棺
惜哉善財洞未得誇迎鑾惟有大道心與石永不
刊以此護金輪法海無波瀾

其四

嘗聞穆天子六飛騁萬里仙人觴瑤池白雲出杯
底遠駕求長生逐日過濛汜盛姬病不救揮鞭哭
弱水漢皇好神仙妻子思脫屣東巡并西幸離宮

梅村集三

五言古詩
三

宿羅綺寵奪長門陳恩盛傾城李穠華卽修夜痛
入哀蟬誅苦無不死方得令昭陽起晚抱甘泉病
遽下輪臺悔蕭蕭茂陵樹殘碑泣風雨天地有此
山蒼崖閎典毀我佛施津梁層臺簇蓮蘂龍象居
虛空下界聞鬪蟻乘時方救物生民難其已澹泊
心無爲怡神在玉几長以兢業心了彼清淨理羊
車稀復幸牛山竊所鄙縱灑蒼梧淚莫賣西陵屨
持此禮覺王賢聖總一軌道參無生妙功謝有爲
耻色空兩不住收拾宗風裏

石公山

真宰斲雲根，奇物思所置。養之以天池，益盎插靈異。初爲仙家困，百仞千倉閉。釜鬲炊雲中，杵臼鳴天際。忽而遇巖城，猿獾不能繼。遠窺樓櫓堅，逼視戈矛利。一關當其中，飛鳥爲之避。仰睇微有光，投足疑無地。循級登層巔，天風豁蒼翠。疲喘千犀牛，落落誰能制。僂僂一老人，獨立拊其背。旣若拱而揖，又疑隱而睡。此乃爲石公三問不吾對。

歸雲洞

梅村集三

五言古詩四

歸雲何孱顏，離斷自太古。千松互盤結，托根無一土。呀然丹崖開，蒼茫百靈斧。萬載長欹危，撐拄良亦苦。古佛自爲相，一身雜仰俯。依稀莓苔中，葉葉青蓮吐。若以度真詮，足號藏書府。仙翁刺船來，坐擘麒麟脯。鐵笛起中流，進酒虬龍舞。晚向洞中眠，吒石開百武。牀几與棋局，一一陳廊廡。翩然自茲去，黃鵠瀟湘浦。恐使吾徒窺，還將白雲補。

縹緲峰

茲峰非云高高，與衆山別。其下多嵌空，天風吹不

折挿根虛無際縹緲爲險絕細徑緣山腰人聲來
木末籃輿雜徒步佳處欣屢歇躋嶺路倍艱往往
攬垂葛灑氣凌沈寥一身若冰雪輕心出天地羽
翻生髮髯杖底撥殘雲了了見吳越曜靈燭滄浪
混瀆金光發陰霞俄已變慘澹玄雲結歸筇破暝
靄半嶺值虹蜺始知清境杳跡共人鳥滅丹砂定
可求苦爲妻子奪看君衣上雲飛過松間月

林屋洞

震澤初未定水石爭相攻神龍排杳冥盪擊沉虛

梅村集三

五言古詩

宮仙人資禹力洞府開洪濛惜哉石函書不救夫
差窮大道旣已洩國祚於焉終我行訪遺蹟興極
探虛空絕徑不可肥自視猶枯筇山神愛僂僂直
立憂微躬以之生退怯匍匐羞兒童傳聞過險澀
唘呀來天風松炬厭明滅乳竇驚青紅洪崖應常
來牀几陳從容何不廻真馭日月行其中銀房闕
幽異勿使吾徒同終當齋餼糧鍊骨如飛鴻路穿
三江底境與諸天通南浮瀟湘水西上峩眉峰歸
來詫里人足比靈威翁

送周子俶

五載寄幽燕歸來問家室入門四壁在小婦當廳
織恐其話饑寒且呼治酒食妻子識君心低頭惟
默默嗟余忝隣里欲語弗遑及聞君又行邁君歸
曾幾日睠此父母邦過若遠鄉客丈夫志四海行
矣須努力

其二

努力羸骸糧秋風卽長路京口正用兵倉皇過瓜
步扁舟戒行李六月黃河怒脫身萬仞淵此險何

梅村集三

五言古詩六

足數慷慨輕波壽長年豈知故中道感舊交良爲
詩書悞餘生嬰世網重來獻詞賦登高望烽火躊
躇屢迴顧

其三

迴顧去鄉遠進及長安城禁門十二戟策馬聞雞
鳴解褐初登朝日出趨承明慶雲生堦堦天樂和
且平立談計誠用萬里無專征忘形樂簡易任氣
高縱橫常恐斗酒後脫略驚公卿一官了婚嫁可
以謀歸咉

其四

歸咩東岡陂清流貫羣木月明夜方靜高話溪堂
宿破產求神仙丹砂狗微祿玉書晚應悟至道亡
情欲一飯輒萬錢并日恒不足知交雖云厚距可
先骨肉閱世經艱難息心謝榮辱平生著述事尚
有殘編讀

蕩子失意行贈李雲出

君家楚山下門前溪流流願識賢與豪不羨公與
侯動足有萬里妻子何能留丈夫重意氣耻爲兒

梅村集三

五言古詩
七

女柔中夜理瑤瑟思婦當高樓鶯花二三月送君
下揚州小孤白浪惡腸斷征帆收長干嬌麗地一
顧嘶驂躡菡萏亦已落蘭杜方經秋十月嚴風寒
剪燭紉衣表太行車輪摧落葉填霜溝君又自茲
去匹馬將誰掇趙女顏如花窈窕迴明眸皎皎雙
行躔巧笑塞羅幃男兒重紅粉妾夢輕浮漚今年
附書至慰訊猶縹繆客囊無長物旅病才新瘳途
窮狗知已進止詎自由狂走三十年布褐空蒙頭
不如歸去來漁釣滄浪謳大兒誦文史小婦彈箏

篔南村沽社酒西舍牽畦牛人生一遠廬漂泊如
飛鷗得意匪爲樂失路寧關愁居爲段于隱出作
盧敖游我欲竟此曲君笑登扁舟碧天浩無際極
目徒悠悠

丁未三月廿四日從山後過湖宿福源精舍
于林已暝色一峰猶夕陽拾級身漸高樵徑何微
茫回看斷山口樹杪浮湖光松子向前落道人閑
石房橋租養心性取足鬢眉蒼清磬時一聲流水
穿深篁我生亦何幸暫憩支公床客夢入翠微人
事良可忘

梅村集三

五言古詩

廿五日借穆苑先孫浣心葉子聞允文游石
山盤龍石梁寂光歸雲諸勝

大道無端倪真宰有融結茲山在天壤靈異蓄不
泄萬竅凌虛無一柱支毫末疑豈愚公移愁爲巨
靈拔劉根作堂奧柳毅司扁鑄誰啓仙人閭繫我
漁父柁刻鏤洪濛雲雕搜大荒雪或人而疴瘦或
馬而蹄齧或負藏壑舟或截專車節或象神鼎鑄
或類昆吾切地肺庖丁解月窟工倕伐石罔封籛

糧天廚甃涓潔重賺累甃甃短柱增樞椀瓜瓢
稜剖木皮槎枒裂體醴黃河水炎炎崑岡燕哈呀
舞碎邪談舛張饕餮斗起聳雲關一道通箭筈碧
藕玲瓏根文螺宛委穴丹梯躡而上鬱鬱虛皇闕
突兀撐青旻插地屏障列一身生羽翰百尺跨虹
蜺斷澗吟楓柎颯爽侵毛髮側窺漏日影了了澄
潭澈雞聲出烟井乃與人境接廻思頃所歷過眼
纔一瞥秦皇及漢武好大同蠓蟻齊諧不能志灸
輒不能說鄙桑二小儒註書事抄批陋襲李斯碑

梅村集三 五言古詩

闕補周王碣關仝亦妙手惜未適吳越嵩華雖云
高無以鬪巧拙時俗趨姿媚烟巒漫塗抹妄使僮
父輩笑我驕蟻垤京江吸金焦漢水注大別流峙
合而滙奇氣乃一發睥睨五嶽間誰與分優劣扶
杖一村翁眼看話年月昔逢猶兒童今見已耄耄
昨聞縣帖下搜索到魚鱉訝彼白鼉逃無乃青草
竭却留幽境在似爲肥遯設當年綺里季卜居採
薇蕨皓首走漢廷恨未與世絕若隨靈威去此處
攬藤葛子房知難致欲薦且捫舌浮生每連蜷塵

界儘空濶謀免妻孥愁計取山水悅入春桃李過
韶景聽啼鳩籃輿累親舊同載有二葉穆生老而
健孫郎才且傑彼忘筋力勞我愛賓朋挈過湖曳
輕帆入寺憩深樾老僧諧語笑妙理攻麩藁曉起
陳盤餐飽食非羸糲桑畦路宛宛筍屨行兀兀快
意在此游失記遺七八平湖鋪若茵磐石幾人歇
蹲踞當其旁拒戶相支遏黝黑聲句稜欲進遭噴
喝側肩僅容趾腹背供磨軋下踰齋磴牢上覩崩
崖豁攀躋差毫釐失足憂一蹶前竒慕先過後險

梅村集三

五言古詩

欣乍脫歌呼雜韶穉嘻笑視履襪君看長安道高
步多蹉跌散誕來江湖蒲伏羞于謁頭因石丈低
腰向山靈折四月將已近天時早炎熱揮汗何沾
濡驚颺俄凜冽歸來北窓枕響入山溜徹不寐話
夜涼連床擁裘褐晚歲艱出門端居意騷屑閒踪
習羈旅逸興貪放達跌蕩馮夷宮游戲天吳窟將
毋神鬼怒亟遣風雨奪勝事滿現前得失歸勇怯
衰老偕故人幸喜茲游決它年子胥濤百里聞咤
咄鱸膾隨風雷頸鎖金牛掣鮫人拭床几神女洗

環玦硯碁打空灘澎湃飛沫噴眩無射鐘磬曉
社竇鐵孤客爲旁皇發婦爲悽咽那知捩柁下我
輩行車轍再拜告石公相逢慰饑渴旣從人間世
忍再洪波沒志怪作大言嗜奇私神物肯學楊焉
鑄願愛壺公訣縮之入懷袖弄之置盆鉢栽松龍
氣上蓄水雲根活長留文士玩勿被山君竊嘗聞
响嘍蜂科斗尊往牒劉鯨存盤螭捫索嗟完缺此
山通巴陵下有神禹札後代文字衰致起龍蛇孽
我有琅玕管上灑湘娥血濯足臨滄浪浩思吟不
輟未堪追陽冰猶足誇李渤隱從烟霞閉出供時
世閱刻之藏書巖千載應不滅

游石公歸是夜驟雨明晨微霽同諸君天王
寺看牡丹

烟嵐澹方霽沙暖得徐步訪寺苔徑微遠近人語
誤道半逢一泉曲折隨所赴觸石松頂飛其白或
如鷺尋源入杳冥絕橋屢渡中有二比丘種桃
白雲護花將舞而笑石則落猶怒澆之以杯酒娟
然若迴顧此處疑仙源快意兼緇素苦辭山地薄

縣官責常賦蔬果雖已榮龍象如欲訴學道與養生得失從時務吾徒筋力衰萬事俱遲暮太息因歸來鐘聲發清悟

揖山樓

名山誰逢迎遇人若俯仰心目無端倪默然與之往幽泉互相答飛鳥入空想傑閣生其間櫺軒爭一爽嘉樹爲我開坐久惜餘賞暝靄忽而合明月出孤掌彈琴坐其中萬籟避清響良夜此會難佳處莫能獎

梅村集三

五古詩十一

鹽官僧香海問詩於梅村村梅大發以詩謝之

但訪梅花來今見梅花去何必爲村翁重尋灌園處種梅三十年遶屋已千樹饑摘花蕊餐倦抱花影睡枯坐無一言自謂得花意師今遠來游恰與春光遇索我囊中詩搔首不能對寄語謝故人幽香養衰廢溪頭三尺水好洗梅魂句

直溪吏

直溪雖鄉村故是尚書里短棹經其門蚪聲忽盈

耳一翁被束縛苦辭豪如洗吏指所居堂卽貧誰
信爾呼人好作計緩且受鞭箠穿漏四五間中已
無窓几屋梁紀日月仰視殊自恥昔也三年成今
也一朝毀貽我風雨愁飽汝歌呼喜官逋依舊在
府帖重追起旁人共歎歔感嘆良有以東家瓦漸
稀西舍墻半圯生涯分應盡遲速總一理居者今
何栖去者將安徙明歲留空村極目唯流水

臨頓兒

臨頓誰家兒生小矜白晢阿爺負官錢棄置何倉

梅村集三

五言古詩
十三

卒給我適誰家朱門臨廣陌囑儂且好住跳弄無
知識獨怪臨去時摩首如憐惜三年教歌舞萬里
離親戚絕伎逢侯王寵異施恩澤高堂紅氍毹華
燈布瑤席授以紫檀槽吹以白玉笛文錦縫我衣
珍珠裝我額瑟瑟珊瑚枝曲罷恣狼藉我本貧家
子邂逅遭拋擲一身被驅使兩口無消息縱賞千
黃金莫救餓死骨歡樂居宅鄉骨肉誠何益

梅村集卷第四

七言古詩一

行路難

奉君乘鸞明月之美扇耶谿赤董之寶刀莞蕩桃
笙之綺席陽阿激楚之洞簫丈夫得意早行樂歌
舞任俠稱人豪舉杯一歌行路難酒闌鐘歇風蕭
蕭

其二

長安巧工製名燈七龍五鳳光層層中有青熒之

梅村集四

七言古詩

朱火下有映徹之澄冰游魚揚鬣肆澆滑飛鳥奮
翼思鸞騰黑風吹來徧槐市任花振落燒觚稜金
吾之威不能禁鐵柱倒塌銅盤傾使人策馬不能
去青燐鬼哭唯空城

其三

君不見無須將閭叫呼天賜錢請葬驪山邊父爲
萬乘子黔首不得耕種咸陽田君不見金墉城頭
高百尺河間成都弄刀戟草木萌芽殺長沙狂風
烈烈吹枯骨人生骨肉那可保富貴榮華幾時好

龍子作事非尋常，奪棗爭梨天下擾。金牀玉几不得眠，一朝零落同秋杪。

其四

愁思忽不樂，乃上咸陽橋。盤螭蹲獸勢，相齧豁呀口。鼻吞崩濤，當時平明出萬騎。馬蹄蹀躞何逍遙。長安冠蓋一朝改，紫裘意氣非吾曹。柴車辟易伏道畔，舍人辭去妻擊嘲。人生太行起面前，何必褒斜棧閣崎嶇高。

其五

梅村集四

七言古詩

君不見南山松柏何葱蒨，菁於世無害人無爭斧聲。丁丁滿崖谷，不知其下何王陵。玉箱夜出寶衣盡，冬青葉落吹魚燈。石馬無聲缺左耳，豐碑倒折纏枯藤。當時公卿再拜下車過，今朝蔓草居人耕。

其六

漢家身毒鏡，大如八銖錢。蒲桃錦囊雖踏澹，盤龍婉轉絲結連。云是宣皇母后物，摩挲愛惜宮中傳。七花埋沒今千年，對此撫几長嘆息。金張許史皆徒然。

其七

君不見黃河之水從天來一朝乃沒梁王臺梁王
臺成高崔嵬禁門平旦車如雷千尺金堤壞百里
嚴城開君臣將相竟安在化爲白龜與黃能乃知
水可亡人國昆明劫灰何如哉

其八

男兒讀書良不惡屈首殘編務穿鑿窮年矻矻竟
無成徒使聲華受蕭索君不見王令文章今大進
丘公官退才亦盡寂寂齋居自著書太玄奇字無

梅村集四

七言古詩
三

人問

其九

伏軾說人主談笑稱上客一見賜黃金再見賜白
璧夜半宮中獨召見母弟通侯皆避席上殿批逆
鱗下殿犯貴戚犀首進讒譖韓非受指摘夜走函
谷關逡巡不能出君不見范雎折脇懲前事身退
功成歸蔡澤

其十

君不見鄭莊洗沐從知交傾身置驛長安郊又不

見任君談辭接後進冠蓋從游數百乘人生盛名
致賓客失勢人情諒非昔年少停車莫掃門故人
行酒誰離席

其十一

直諫好言事召見拜司隸彈劾中黃門顛切無所
避天子初見容謂是敢言吏以茲增感激居官厲
鋒氣奏對金商門縛下都船獄髡頭徙朔方衆怒
猶不足私劔揣其喉赤車再收族橫尸都亭前妻
子不敢哭酒色作直都殺人藏頭畏尾徒碌碌

梅村集四

七言古詩
四

其十二

拔劔橫左膝噴目悲歌向坐客我初從軍縛袴褶
手擊黃虜弓霹靂生來不識官家貴帶甲持兵但
長揖驅馬來中原尚書奏功級前庭論爵賞後殿
賜飲食烏嚙家兒坐我上壞坐爭言多酒失御史
彈文讀且糾待罪驚憂不敢出還君絳衲兩當衫
歸去射獵終南山

其十三

平生俠游尚輕利劇孟爲兒灌夫弟使酒罵坐人

探丸斫俗吏流血都市中追兵數十騎借問追者
誰云是灞陵杜穉季抽矢弗射是故人兩馬相逢
互交臂吾徒豈相厄便當從此逝泰山羊氏能藏
跡北海孫公堪避世複壁埋名二十年赦書却下
咸陽尉歸來故鄉無負郭破家結客成何濟

其十四

今我思出門圖作雒陽賈東游陳鄭北齊魯白壁
一雙交王公明珠十斛買歌舞關中軺車方算緒
高輪峩峩下荆楚道阻淮南兵貨折河東估朝爲
倚頓暮黔婁乞食吹簫還故土

其十五

丈夫少年使絕域從行吏士交河卒布衣功拜甘
泉侯獨護高車四十國蒲萄美酒樽中醉汗血名
駒帳前立富貴歸故鄉上書乞骸骨漢使遮玉關
不遣將軍入軍中夜唱行路難條支海上秋風急

其十六

西莫過金牛關懸崖鐵鎖猿猱攀南莫過惡道灘
盤渦利石戈矛攢猩猩啼兮杜鵑呼落日青楓山

鬼嘯篁竹深巖不見天我所悲兮在遠道

其十七

結帶理流蘇流蘇紛亂不能理當時羅帷鑿明月
皎皎容華若桃李一自君出門深閨厭羅綺有人
附書還君到長千里名都鶯花發皓齒知君眷眷
嬋娟子太行之山黃河水君心不測竟如此寄君
翡翠之鸕鈿傳璣之墜珥勸君歸來且歡喜卧疾
空床爲君起

其十八

梅村集四

七言古詩
六

吾將老焉惟糟丘裸身大笑輕王侯禮法之士憎
如讐此中未得逍遙游不如飲一斗頽然便就醉
執法在前無所畏君不見嵇生幽憤阮生哭箕踞
狂呼不得意

永和宮詞

揚州明月杜陵花夾道香塵迎麗華舊宅江都飛
燕井新侯關內武安家雅步纖腰初召入鈿合金
釵定情日豐容盛鬢固無雙蹴鞠彈碁復第一上
林花鳥寫生綃禁本鍾王點素毫楊柳風微春試

馬梧桐露冷暮吹簫
君王宵旰無歡思
宮門夜半傳封事
玉几金床少晏眠
陳娥衛艷誰頻侍
貴妃明慧獨承恩
宜笑宜愁慰至尊
皓齒不呈微索問
蛾眉欲蹙又溫存
本朝家法脩清讌
房帷久絕珍奇薦
勅使惟追陽羨茶
內人數減昭陽膳
維揚服製擅江南
小閣爐烟沉水含
私買瓊花新樣錦
自脩水遞進黃柑
中宮謂得君王意
銀鑲不妬溫成貴
早日艱難護大家
比來歡笑同良娣
奉使龍樓賈佩蘭
往還偶失兩宮歡
雖云樊嫔能辭

楊村集四

七言古詩

令欲得昭儀喜
怒難緣綈小字書
成印瓊函自署
充華進請罪長教
聖主憐含辭欲得
君王慍

君王內顧恤傾城
故劍還存敵體恩
手詔玉人蒙詰問
自來階下拭啼痕
外家官拜金吾尉
平生游俠多輕利
縛客因催博進錢
當筵便殺彈箏伎
班姬才調左姬賢
霍氏驕奢竇氏專
涕泣微聞椒殿詔
笑譚豪奪灞陵田
有司奏削將軍俸
貴人冷落宮車夢
永巷傳聞去玩花
景和門裏誰陪從
天顏不憚侍人愁
后促黃門召共游
初勸官家佯不

應玉車早到殿西頭兩王最小牽水戲長者讀書
少者弟聞道羣臣譽定陶獨將多病憐如意豈有
神君語帳中漫云王母降離宮巫陽莫救蒼舒恨
金鎖彫殘玉筋紅從此 君王慊不樂叢臺置酒
風蕭索已報河南失數州况經少子傷零落貴妃
瘦損坐匡床慵髻啼眉掩洞房荳蔻湯溫水簾冷
荔支漿熱玉魚涼病不禁秋淚沾臆裴回自絕
君王膝苔沒長門有夢歸花飛寒食應相憶玉匣
珠襦啓便房薤歌無異楚回昌 君王欲製哀蟬

梅村集四

七言古詩
八

賦誄筆詞臣有謝莊頭白宮娥暗嘆蹙庸知朝露
非爲福宮草明年戰血腥當時莫向西陵哭窮泉
相見痛倉黃還向官家問永王幸免玉環逢喪亂
不須銅雀怨興亡自古豪華如轉轂武安若在憂
家族愛子雖添北渚愁外家已葬驪山足夜雨椒
房陰火青杜鵑啼血濯龍門漢家伏后知同恨止
少當年一貴人碧殿淒涼新木拱行人尚識昭儀
塚麥飯冬青問茂陵斜陽蔓草埋殘壠昭丘松檟
北風哀南內春深擁夜來莫奏霓裳天寶曲景陽

宮井落秋槐

琵琶行

并序

去梅村一里爲王太常烟客南園今春梅花盛開予偶步到此忽聞琵琶聲出於短垣叢竹間循牆側聽當其妙處不覺拊掌主人開門延客問向誰彈則通州白在湄子或如父子善琵琶好爲新聲須臾花下置酒白生爲予朗彈一曲迺先帝十七年以來事敘述亂離豪嘈凄切坐客有舊

梅村集四

七言古詩九

中常侍姚公避地流落江南因言先帝在玉熙宮中梨園子弟奏水嬉過錦諸戲內才人於暖閣齋鏤金曲柄琵琶彈清商雜調自河南寇亂天顏常慘然不悅無復有此樂矣相與哽咽者久之於是作長句紀其事凡六百三言仍命之曰琵琶行

琵琶悉響多秦聲對山慷慨稱入神同時漾陂亦第一兩人失志遭遷謫絕調王康並盛名崑崙摩詰無顏色百餘年來操南風竹枝水調謳吳儂里

人度曲魏良輔高士填詞梁伯龍北調猶存止弦
索朔管胡琴相間作盡失傳頭誤後生誰知却唱
江南樂今春偶步城南斜王家池館彈琵琶悄聽
失聲叫奇絕主人招客同看花爲問按歌人姓白
家住通州好尋覓袴褶新更回鶻裝虬鬚錯認龜
茲客偶因同坐話先皇手把檀槽淚數行抱向
人前訴遺事其時月黑花茫茫初撥鴟弦秋雨滴
刀劍相磨轂相擊驚沙拂面鼓沉沉砉然一聲飛
霹靂南山石裂黃河傾馬蹄迸散車徒行鐵鳳銅

梅村集四

七言古詩

盤柱摧塌四條弦上烟塵生忽焉摧藏若枯木寂
寞空城烏啄肉轆轤夜半轉伊啞嗚咽無聲貴人
哭碎珮叢鈴斷續風冰泉凍壑瀉淙淙明珠瑟瑟
拋殘盡却在輕籠慢撚中斜抹輕挑中一摘溲溲
颼颼骨肌骨銜枚鐵騎飲桑乾白草黃沙夜吹笛
可憐風雪滿關山烏鵲南飛行路難猿嘯鼯啼山
鬼語瞿塘千尺響鳴灘坐中有客淚如霰先朝
舊直乾清殿穿宮近侍拜長秋咬春燕九陪游燕

先皇駕幸玉熙宮鳳紙僉名喚樂工苑內水嬉

金匱偏殿頭過錦玉玲瓏一自中原盛豺虎煖閣
才人撤歌舞插柳停搗素手箏燒燈罷擊花奴鼓
我亦承明侍 至尊止聞鼓樂奏雲門段師淪落
延年死不見 君王賜子恩 一人勞悴深宮裏
賊騎西來趨易水萬歲山前鞞鼓鳴九龍池畔悲
笳起換羽移宮總斷腸江村花落聽霓裳龜年哽
咽歌長恨力士淒涼說上皇前輩風流最堪美明
時遷客猶嗟怨卽今相對苦南冠昇平樂事難重
見白生爾盡一杯酒繇來此伎推能手岐王席散
少陵窮五陵召客君知否獨有風塵潦倒人偶逢
絲竹便沾巾江湖滿地南鄉子鐵笛哀歌何處尋

雜陽行

詔書早洗雜陽塵叔父如王有幾人 先帝玉符
分愛子西京銅狄泣王孫白頭宮監鋤荆棘曾在
華清內承直遭亂城頭烏夜啼四十年來事堪憶
神皇倚瑟楚歌時百子池邊嫋柳絲早見鴻飛
四海翼可憐花發萬年枝銅扉未啓牽衣諫銀箭
初殘淚如霰幾年不省公車章後來數罷昭陽宴

骨肉終全異母恩功名徒付上書人貴彊無取諸
侯相調護何關老大臣萬歲千秋相訣絕青雀投
懷玉魚別昭丘烟草自蒼茫湯殿香泉暗嗚咽析
圭分土上東門寶轂雕輪九陌塵驪山西去辭溫
室渭水東流別任城少室峰頭寫桐漆靈光殿就
張琴瑟願王保此黃髮期誰料遭逢黑山賊嗟乎
龍種誠足憐母愛子抱非徒然江夏漫裁脩柏賦
東阿徒詠豆萁篇我朝家法踰前制兩宮父子無
遺議廷論繇來責佞夫國恩自是優如意萬家湯
沐啓周京千騎旌旗給羽林總爲先朝隣白象豈
知今日誤黃巾鄒枚客館傷狐兔燕趙歌樓散烟
霧茂陵西築望思臺月落青楓不知路 今皇興
念總帷哀流涕黃封手自裁殿內遂停三部伎宮
中爲設八關齋束薪流水王人戍太牢加璧通侯
祭 帝子魂歸南浦雲玉妃淚灑東平樹北風吹
雨故宮寒重見新王受詔還唯有千尋舊松栝照
人落落嵩高山

宣皇清暑幸離宮，碧檻青疏十二重。
七寶鑄銅薰鴨貴，千金磁翠鬪雞紅。
玳簾開南內，宴沉香匣。啓西川，扇蟬翼，描來雲母輕。
冰紈製就，天孫艷丹霞，滂起駕雲輶。
王母雙成，絳節還玉管，鳳銜花萬壽。
銀龍蹴海三山芙蓉水，殿琉璃徹內家尚苦櫻桃熱。
九華初御詠，招涼落葉迴風若霜雪。蛾眉萬里尚方船，雉尾千秋奏御箋。
公主合歡嬌翡翠，昭容反影鬪嬋娟。遭逢召見南薰殿，思陵日昃猶揮汗。
天語親傳賜近臣，先生進講幽風倦黃

梅村集四

七言古詩
十三

羅帕捧出離闌，画筵丹靑掌上，看侓薄買嫌燈市價恩深，攜謝閣門班。
自離卷，握秋風，惡寒驢便面。誰人識，聞道烽烟蔽錦城，齊統楚竹無顏色。
石榴噴火，照皇都再哭蒼梧媿。左徒舊內謾懸長命縷，新宮徒貼辟兵符。
雨夜床頭搜廢篋，摩挲老眼王家物，半面猶存蛺蝶圖。空箱尚記霓裳疊，蠹粉黃侵瓊樹花。
麴塵香損紫鸞車，珠衣五翟悲秦女。玉墜雙魚泣，漢家莫嘆君恩長，斷絕比來舒卷仍鮮潔。
乍可襟披宋玉風，不堪袖掩班姬月。

宣宗御用餞金蟋蟀盆歌

宣宗在御昇平初便殿進覽幽風圖煖閣才人籠
蟋蟀書長無事爲歡娛定州花菟賜湯沐玉粒瓊
漿供飲啄餞金髹漆隱雙龍果廠雕盆錦香褥伏
飛着翅逞腰身玉砌軒簷試一鳴性不近人須耿
介才堪却敵在僥輕 君王服豫留深意棘門霸
上皆兒戲鬪雞走狗謾成勞今日親觀戰場利坦
額長身張兩翼鋸牙益鬚鬚如戟漢家十二羽林
郎蟲達封侯功第一臨 真龍起風雲二豪螟蛉

梅村集四

七言古詩
十四

張與陳草間竊伏竟何用竈下廝養非吾羣大將
中山獨持重却月城開立不動兩目相當振臂呼
先聲作勢多操縱應機變化若有神僥突彷彿常
開平黃鬚蠡甲見股栗垂頭折足亡精魂獨身跳
免追且急拉折攀翻只一擲螭螭塞外蠕蠕走使
氣窮搜更深入當前拔柵賭先登奪采爭籌爲主
人自分一身甘瓦注不知重賞用黃金 君王笑
謂當如此楚漢雌雄何足齒莫啗趨距浪輕生橫
草功名須致死二百年來無英雄故宮瓦礫吟秋

風一寸山河鬪蠻觸五千甲士化沙蟲灌莽微軀
亦何有捉生誤落兒童手蟻賊穿墉負敗齒戰骨
雖香嗟速朽涼秋九月長安城黑鷹指爪愁雙睛
錦鞬玉絛競馳逐頭鵝宴上爭輸贏鬪鴨欄空舞
馬死開元萬事堪傷心秘閣圖書遇兵火版盒宜
窳賤如土名都百戲少人傳貴戚千金向誰賭樂
安孫郎好古癖剔紅墮漆收藏得我來山館見雕
盆蟋蟀秋聲增歎息嗚呼漆城蕩蕩空無人哀蠻
切切啼王孫貧士征夫豔流涕惜哉不遇飛將軍

梅村集四

七言古詩
十五

聽女道士卞玉京彈琴歌

鴛鴦逢天風北向驚飛鳴飛鳴入夜急側聽彈琴
聲借問彈者誰云是當年卞玉京玉京與我南中
遇家近大功坊底路小院青樓大道邊對門却是
中山住中山有女嬌無雙清眸皓齒垂明璫曾因
內宴直歌舞坐中瞥見塗鴉黃問年十六尚未嫁
知音識曲彈清商歸來女伴洗紅粧枉將絕技矜
平康如此纔足當侯王萬事倉皇在南渡大家幾
日能枝梧詔書忽下選蛾眉細馬輕車不知數中

山好女光徘徊一時粉黛無人顧艷色知爲天下
傳高門愁被旁人妬盡道當前黃屋尊誰知轉盼
紅顏誤南內方看起桂宮北兵早報臨瓜步聞道
君王走玉驄犢車不用聘昭容幸遲身入陳宮
裏却早名填代籍中依稀記得祗與阮同時亦中
三宮選可憐俱未識君王軍府抄名被驅遣漫詠
臨春瓊樹篇玉顏零落委花鈿當時錯怨韓擒虎
張孔承恩已十年但教一日見天子玉兒甘爲東
昏死羊車望幸阿誰知青塚淒涼竟如此我向花

梅村集四

七言古詩
十六

間拂素琴一彈三嘆爲傷心暗將別鵠離鸞引寫
入悲風怨雨吟昨夜城頭吹箏築教坊也被傳呼
急碧玉班中怕點留樂營門外盧家泣私更裝束
出江邊恰遇丹陽下渚船剪就黃緇貪入道攜來
綠綺訴嬋娟此地繇來盛歌舞子弟三班十番鼓
月明絃索更無聲山塘寂寞遭兵苦十年同伴兩
三人沙董朱顏盡黃土貴戚深閨陌上塵吾輩漂
零何足數坐客聞言起歎嗟江山蕭瑟隱悲笳莫
將蔡女邊頭曲落盡吳王苑裏花

南生魯六真圖歌

并引

山東南生魯官浙之觀察命謝彬畫已像
而劉復補山水凡六圖其一坐方褥聽兩
姬搗箏吹洞簫其一焚香彈琴流泉瀉階
下旁一姬聽卷倚石一會兩少年蹴鞠戲
毬擲空中勢欲落一圖書滿床公左顧笑
有髻而秀者端拱榻前若受書狀則公子
也餘二圖一則画藤橋橫斷壑中非人境
公黃冠纓拂掉首不顧一則深巖枯木有
頭陀趺坐披布衲卽公也予爲作六真圖
歌鑱之石上覽者可以知其志矣

梅村集四

七言古詩
十七

明湖夜雨天涯客握手停杯話疇昔人生竟作画
圖看拂卷生綃開數尺長身玉立於思翁美人促
柱彈春風一聲兩聲玉簫急吹落碧桃無數紅笏
有一姝嬌倚扇聽君手拂湘妃怨抱琴危坐鬚飄
然知入清徽廣陵散出門逐伴車如風築毬會飲
長安中歸來閉門閑課子石榻焚香列圖史我笑
此翁何太奇彈琴蹴鞠皆能爲讀書終老豈長策

乘雲果欲鞭龍螭神仙吾輩儘可學六博吹笙游
戲作不信晚年圖作佛趺坐蒲團貪睡着丈夫雄
心竟若此世事悠悠何足齒興來展翫自掀髯樓
拂藤鞋自茲始劉君水石謝君圖解衣盤礴工揣
摩平生嗜好經想像須臾點出雙清驢置身其間
真快樂聲酒琴書資笑謔縱然仙佛兩無成如此
溪山良不惡吾聞宗少文曾寫尚子平阮生長嘯
逢蘇門祖孫妙筆多天眞君不見興宗年少香山
老不及丹青似舊人

後東臯草堂歌

梅村集四

七言古詩
十八

君家東臯枕山麓百頃流泉浸花竹石田書畫數
百卷酷嗜平生手藏錄隱囊塵尾寄蕭齋鴻鵠高
飛鷹隼猜白社青山舊居在黃門北寺捕車來有
詔憐君放君去重到故鄉棲隱處短策仍看屋後
山扁舟却繫門前樹此時鈎黨雖縱橫終是君
王折檻臣放逐縱緣當事意江湖還賴主人恩一
朝龍去辭鄉國萬里烽烟歸未得可憐雙戟中丞
家門帖淒涼題賣宅有子單居持戶難呼門吏怒

索家錢窮搜廢篋應無計棄榔城南五尺山任移
花藥鄰家植未剪松杉僧舍得漁舟網集習家池
官道人牽到公石礎雖留不記亭榿籬還在半
無門欵橋已斷眠僵柳醉壁誰扶倚瘦膝尚有荒
祠叢廢棘豐碑草沒猶堪識堦前田父早歌呼陌
上行人增歎息我初扶杖過君家開尊九月逢黃
花秋日溪山好圖画石田真蹟深咨嗟傳聞此圖
再易主同時賓客知存幾又見溪山改舊觀雕欄
碧檻今已矣搖落深知宋玉愁衡陽雁斷楚天秋

梅村集四

七言古詩
十九

斜暉有恨家何在極浦無言水自流我來草堂何
處宿挑燈夜把長歌續十年舊事總成悲再賦閒
愁不堪讀魏寢梁園事已空杜鵑寂寞怨西風平
泉獨樂荒榛裏寒雨孤村聽暝鐘

汲古閣歌

嘉隆以後藏書家天下毘陵與瑯琊整齊舊聞收
放失後來好事知誰及比聞充棟虞山翁里中又
得小毛公搜求遺逸懸金購繕寫精能鏤板工繇
來斯事推趙宋歐虞楷法看飛動集賢院印校讐

精太清樓本裝潢重損齋手跋爲披圖蘇氏題觀
在直廬館閣百家分四庫巾箱一幅盡三都本朝
儒臣典制作累代縹緗輪秘閣徐廣雖編石室書
孝徵好竊華林略兩京太學藏經史奉詔重脩賜
金紫高齋學士費飡錢故事還如寫黃紙釋典流
傳自洛陽中官經廠護焚香諸州各請名山藏總
目難窺內道場南湖主人爲嘆息十年心力恣收
拾史家編輯過神堯律論流通到羅什當時海內
多風塵石經馬矢高丘陵已壞書囊縛作袴復驚

梅村集四

七言古詩
二十

木冊摧爲薪君家高閣偏無恙主人留宿傾家釀
醉來燒燭夜攤書雙眼摩挲覺神王古人關書借
三館羨君自致五千卷又云獻書輒拜官羨君帶
索躬耕田伏生藏壁遭書禁中郎秘惜矜談進君
獲奇書好示人雞林巨賈爭摹印讀書到死苦不
足小學雕蟲置廢籠君今萬卷盡刊訛邢家小兒
徒碌碌客來詩酒話生平家近湖山擁百城不數
當年清秘閣亂離踪跡似雲林

送志衍入蜀

去年秋山好君走燕雲道今年春山青君去錦官
城秋山春山何處可爲別把酒欲問橫塘月人影
將分花影稀鐘聲初動簫聲咽我昔讀書君南樓
夜寒擁被譚九州動足下床有萬里駑馬伏櫪非
吾儔當時東國賤男子傲岸平生已如此今朝乘
傳下西川賓戶巴人負弓矢黃牛喘怒溟銀濤崩
剝蒼崖化迹勞石斷忽穿風雨過山深日見魚龍
高江頭老槎偃千尺接手猿猱擲橡栗雲移斷壁
層波見月上危灘遠峰出縹緲樓臺白帝城月明

梅村集四

七言古詩
二十一

吹角唱花卿棧連子午愁烽壑水落東南洗甲兵
摩訶池上清明火蹲鷓鴣山下巴渝舞豈有居人浣
百花依然風俗輸銅鼓有日登臨感客游楚天飛
夢入江樓五湖歸思蒼波濶十月懷人木末愁別
時曾折闥門柳相思應寄郫筒酒末下鹽豉誰共
嘗蜀中蒟醬君知否愧予王粲老江潭愁絕空山
響杜鵑乞我灑西園數畝依君好種灌溪田

清風使節圖吾郡先達徐仲山中丞以武部

郎奉命封鄭藩當時諸賢贈行作也中丞於

先叅政爲同年勿齋先生屬予記其事勿齋
勅使益府予亦有大梁之役兩家子弟述先
志揚祖德其同此君歲寒矣

豫章夾日吟高風歲久蟠根造物功吾祖 先朝
豫州牧早年納節東溪翁舅家仲珪擅画竹歸老
山莊看亦足至今遺墨滿縹緗掛我青溪草堂曲
此圖念出同年生當時意氣稱徐卿非買玉環思
適鄭暫持翠節解司兵吾祖一麾方出守不獲諸
公同載酒把臂曾看韋曲花贈行不及漳河柳誰
人尺幅寫篔簹影入清郎四牡裝千里故園存苦
節百年舊澤養新篁 今皇命使臨江右絳旂人
識中丞後江左龍孫篠簜長淇闌鳳質琅玕瘦嶢
谷千尋鸞鳥呼彭城一派雨風多願將十丈鵝溪
絹再作青青玉筍圖

梅村集四

七言古詩
二十二

